

Doc. 28. The Early Career of Mo Guanfu and His Gang (Source: *Gongzhongdang* 宮中檔 [Palace memorials], dated 25th day, 6th lunar month, 1st year of the Jiaqing reign (July 29, 1796). Palace Museum, Taipei).

解前來臣隨督同司道提犯親加研鞫緣何玉
理葉隆均籍隸遂溪向在江坪捕魚與另船捕
魚之莫觀復陳百艚熟識乾隆五十八年十二
月十八日何玉理葉隆同陳百艚至莫觀復船
內坐談貧苦莫觀復起意商同糾夥駕船出洋
行劫得贓分用何玉理等應允莫觀復隨糾得
麥亞二海南養潮東二葉亞五亞六得發亞保
七人何玉理糾得麥亞引梁亞順王亞三梁會
憫謝老正周亞得劉亞鏡七人葉隆糾得張子
貴吳老三二人莫觀復買備砲械下船二十日
在伊船內會齊共夥二十人即時開行二十二
日在夷洋打劫白艚船一次連船劫奪莫觀復
派陳百艚等八人在本船管駕自同何玉理等
過白艚船聯踪遊奕前後在洋行劫多次不記
日數至六十年正月十五日在夷洋打劫齊梳
船得有青油各物二月初十日在夷洋打劫栳
榔船三月初八日在夷洋打劫碗料船十九日
在夷洋打劫菜頭船自四月至十二月陸續在
夷洋打劫商漁船隻不記次數將贓物載回江
坪消賞俵分嘉慶元年二月內各犯商同添糾
夥黨莫觀復又糾得潘亞三陸必老余亞儘何
亞枝亞成江紅三李大六江坪十亞華亞環十
人何玉理糾得亞錦海南二蕭興梁恩四人葉
隆糾得陳興梁老三梁老元梁張貴吳老尾何
那大六人同原夥陳百艚等共四十人於二十
九日駕駛兩船至石城縣雷公沙外洋擄捉捕
魚之文亞大下船逼脅入夥不從押令燒茶煮
飯三月初八日在夷洋擄捉捕魚之蔡亞貴陳
亞矮下船逼脅入夥不從押令屏水掃艙十一
日在臨高縣黃隴港洋面擄捉捕魚之陳亞陳
下船夥盜麥亞二逼脅鷄姦十三日在夷洋遇
見遭風之朱萬信朱丙文周合利鹽船三隻該
犯等施放鎗砲朱萬信等畏懼俱下三板逃走
各犯將船劫奪因盜船朽舊即換坐鹽船莫觀
復與麥亞引梁亞順王亞三梁會憫謝老正周
亞得劉亞鏡張子貴吳老三江坪十亞華亞環
并擄捉之蔡亞貴陳亞矮十五人共坐一隻陳
百艚與麥亞二海南養潮東二葉亞五亞六得
發亞保潘亞三陸必老余亞儘何亞枝亞成江

紅三并擄捉之陳亞陳十五人共坐一隻何玉理葉隆與亞錦海南二蕭興梁恩陳興梁老三梁老元梁張貴吳老尾何那大李大六并擄捉之文亞大十四人共坐一隻將原船鑿沉各駕新船十八日在夷洋打劫漁船殺死事主一人二十日在徐聞縣三墩外洋打劫菜頭客船擄捉王開潮過船逼脅入夥不從押令洗艙二十五日在海康縣北利門外洋擄捉漁船內幼孩周亞培過船押令點火食煙周亞培驚慌啼哭押禁艙底二十六日在北利門外洋擄捉捕魚之王文輝過船賊夥海南二逼脅鷄姦二十八日在新沙夷洋擄捉陳利興船上水手鄧老三過船逼脅入夥不從押禁艙底四月十二日在徐聞北墩外洋擄捉捕魚之林家宅過船逼脅入夥不從押禁艙底十五日在南頭夷洋打劫木料船二隻二十一日駛至遂溪縣東頭嶺洋邊夥盜何那大以王濟溥住居水次家有蓄積莫觀復令何那大引路與何玉理葉隆百艘麥亞引周亞得劉亞鏡張子貴吳老三麥亞二海南養潮東二葉亞五得發海南二蕭興梁恩陳興梁老三上岸行劫服役之蔡亞貴陳亞矮王開潮乘間逃走莫觀復等齊抵事主王濟溥

家劫得布疋衣服併擄捉事主王濟溥王濟輞及事主之母林氏妻吳氏下船勒令王濟輞回家措銀取贖比蔡亞貴等逃至東山地方被遂溪營縣拏獲訊明情由馳赴洋邊查拏各犯因不見王濟輞取銀赴贖聞知官兵往捕遂駕船逃走二十二日午候在草潭灣外洋擄捉草船內余文卓王贊守陳文生三人過船逼脅入夥不從押禁艙底二十三日在電白洋面被押運委員遇見追捕該犯等駛至吳川洋面被砲洲營員督兵圍拏莫觀復陳百艘潘亞三陸必老余亞濇何亞枝亞成江紅三李大六江坪十亞華亞環亞錦海南二蕭興梁恩陳興梁老三梁老元梁張貴吳老尾何那大麥亞二海南養潮東二葉亞五亞六得發亞保吳老三俱各受傷落水淹斃何玉理葉隆麥亞引梁亞順王亞三梁會輞謝老正周亞得劉亞鏡張子貴等當被擒獲併獲服役鷄姦與事主押禁人等連船隻贓械嚴詰該犯等並未到過福建洋面與盜匪林發枝王流蓋等素不認識亦無行劫浙江官米及琉球國貨船情事矢口不移似無遁飾